

MONEDA SPECIAL PA WEGANAN OLIMPICO TA RIBA PLAZA

ORANJESTAD (AAN): Ayeramainta durante e conferencia di prensa semanal di Consejo di Ministro, a ser presenta oficialmente un moneda conmemorativo di Aruba, cual por ser usa pa pago tambe.

Ta trata aki di e Moneda Olimpico, y ora cu e idea a bini pa traha esaki, a pensa pa presenta riba esaki un deporte popular cu ta ser practica na Aruba, y decision a cay pa usa Windsurfing como emblema. Ademá e ta un actividad cu ta bay tambe pa Wega Olimpico.

Pa e Moneda special aki lo tin un emision maximo di 25.000 moneda y ganashi di e moneda lo ta destina pa Comité Olimpico Arubano. deportivo den cual a dicidi cu e ta bay pa un solo proyecto deportivo.

Na e parti dilanti tin Aruba 25 Florin Olympische Spelen

cu un diseño di dos surfer riba laman, cual ta obra di Derk-Jan Hegeman y e parti patras ta diseña pa Evelino Fingal.

Tin dos diferente tipo, di cual uno ta special pa coleccionista, y e otro por ser usa pa circulacion.

E moneda aki tin un diametro di 38 milimetro y cu peso di 25 gram. E edicion di Proof ta di puro plata, y valor di esaki ta 80 Florin.

Lo bay tin e mesun moneda aki pero di calidad di circulacion, cual ta ser bendi na Banco Central pa 25 Florin.

DIARIO a compronde cu Windsurfing lo forma parti tambe di e delegacion di Aruba cu lo bay participa na Barcelona '92.

Ademá bon noticia ta tambe cu ta prome biaha cu Reino Hulandes ta bini cu un "Olympische Munt".